

Во дни благочестиваго царя³ Иоанна⁴ Василиевича,⁵ от его царскаго двора бе муж благоверен и нищелюбив, именем Иустин, переклому Недюрев, саном ключник, имея⁶ жену такову же сущу боголюбиву и нищелюбиву, именем Стефаниду, Григориевну дщерь Лукина, от предел града Мурома; живяста же во всяком благоверии и чистоте, имущи⁷ многи сыны и дщери, и⁸ рабы и рабыни⁹ и богатства множество. От них¹⁰ же родися блаженная сия Уляния. Бывшу¹¹ же от рожества ея, остана по смерти матери своя шти лет;¹² взят же ю в пределы града Мурома баба ея именем Анастасия, матери ея мати. И питаше ю во всяком благоверии и чистоте. По друзех же шти¹³ летех¹⁴ преставися и баба ея и вдаст ю дщери своей Наталии именем, Путилове супруге Арапове, препитати ю добре во всяком благочестном наказании, понеже тетка ея своих дщерей име¹⁵ осмь и сына единаго.

Сия же блаженная Уляния от младых ногот бога възлюби и пречистую его мать; тетку же свою и сестр помнозе¹⁶ чтяше и послушание велие¹⁷ имяше во всем; смирение и молчание любяше велие,¹⁸ посту же и молитве добре прилежащи. Того ради от тетки своей много сварима бе и от дщерей ея посмехаема. И глаголют¹⁹ ей: „О, безумная! Почто в толицей младости плоть свою изнуряеши и девственную красоту погубляеши“.²⁰ И нуждаху же ея раннему ядению и питию. Она же воли их не вдаешся,²¹ но все²² со благодарением приимаше, паче²³ молчанием откождаше от них и послушание имяше ко всем. Бе бо нравом из детска возраста²⁴ кротка и молчалива, от смехотворения²⁵ же и от всякия игры ошашесе. И²⁶ много²⁷ от сверстниц своих на игры и песни нудима,²⁸ она же не приставаше к совету их и неумение²⁹ на себе³⁰ возлагаше, да тем потаяше своя добродетели. Точию же о пяличном деле прилежа и простираше руки³¹ свои на вретено и всю ночь не угасающи³² светилнику ею.³³ Вдовы и сироты в веси той, нужны и болны³⁴ всех насыщаше и обшиваше и всякими³⁵ добродетелми помогаше и назираше, яко всем дивитися разуму ея и благоверию. И вселися в ню страх божий. Несть³⁶ бо църкви в веси той близ, но³⁷ два поприща, и не лучивалося³⁸ ей в девственем возрасте³⁹ приходити к църкви,⁴⁰ ни слышати божественных словес, ни учащаго на спасение видя когда, но благим смыслом наставляема добродетелному нраву, яко же глаголет великий Антоний: „Имеющим цел ум не тебе писания“. Сие⁴¹ блаженная собою исправи, и не учився книгам, ни учителем наставляема, в девственем убо возрасте вся заповеди исправити потщася,⁴² аки бисер многоценный⁴³ светящися посреде тины, о благочестии подвизаяся, и желая слышати

3 Ч доб. и великого князя 4 Ч Ивана 5 Ч доб. всяя Руси 6 Ч имейше
7 Ч доб. же 8—9 Ч и многи рабы 10 Ч от нею 11—12 Ч = И 13—14 Ч шести летех
15 Ч имейше 16 Ч помногу 17 Ч великое 18 Ч нет 19 Ч глаголаху бо
20 Ч губиши 21 Ч не вдавашеся 22 Ч вся 23 Ч доб. же 24 Ч нет 25 Ч от смеха
26—27 Ч аще и многожды 28 Ч доб. бе 29—30 Ч недоумения на ся 31 Ч руце
32 Ч не угасающую 33 Ч ея; доб. а иже 34 Ч доб. то 35 Ч всяцями 36 Ч несть
37 Ч доб. яко 38 Ч не случися 39 О нет 40 Ч в църковь 41 Ч доб. слово
42 Ч подщився 43 Ч многоценен